

حقوقی بیلگیلر مجموعه سی

هر آيك اون بيشده نشر اولنور

قانون مدنیزه کوره

مهر معجل ومؤجل تعهدلری معتبر میدر؟

انسانلر نه قدر تمدن ایدر لرسه ایتسونلر آرزجوق محیطک وعادات واعتیاداتک تاثیر اسندن قولای قولای قورتوله مازلر. انقلابلر، برملتک احوال روحیه سنده بیوک تحوللر وجوده کتیرلر. بونکله برابر طبع بشر، اعتیادات قدیمیه بر مدت سینه سنده صاقلار. قانون مدنیزه بر سنه یه یقین ساحه تطبیقه اولدیغی حالده بعض محیطلرده عاداتدن ویا ادیاندن ملهم اولان تاثیرات تمامیه زائل اولما مشدر. بوده الکیز یاده حائله حقوقده کوزه چارمقده در. محتاج ایضاح دکدر که، زده - قانون مدینک تشرینه قدر - یالکیز نکاح مذهبی جاری ایدی.

تورکیه تابعتمده اولان تورک، یهودی، روم، ارمنی والحاصل هر ملت کندی دین ومذهبه، عادت وغنهنه سنده کوره عقد نکاح ایدردی. یالکیز اسلام اولانلر ایچون محکمه شرعیه دن اذننامه آلق مجبوریتی واردی. برآره دور مشروطیتده ۲۵ تشرین اول سنه ۳۳۳ تاریخی حقوق حائله قرارنامه سی نشر ایدلدی. ومذاهب مختلفه نکاح احکام دینه شخصیله لری بر قانون شکلنده تلفیق اولندی ایسه ده بوده بر مدت صکره دیگر بر قرارنامه ایله الفا ووضعت حال سابقه ارجاع اولندی. قانون مدنی ایسه دین ومذهب تفریق ایتکمزین تورکیه ده عقد نکاحک صورت اجرایی خفنده بر طاقم اصول واساسلر وضع ایتدی.

اولنمه نکاح عقدی شرطلری قانون مدینک ۱۰۵ نجی ماده سیله مواد تالیه سنده مندرجدر.

بوشرائط دائره سنده یاسیلان اولنملر - قانون مدنی نظرنده - معتبر بر مدنی نکاحدر. اوروپاده نکاح مدنیدن بشقه برده اختیاری نکاح دینی ومذهبی اولدیغی کبی قانون مدنیزه بواساسی قبول ایتش ونکاح مدنیدن صکره طرفینی نکاح دینی عقدی خصوصنده سربست بر اقمشدر.

قانون مدنيك يوز اونجى مادهسى بوجهتى تصريح ايتمكه بار [اولمهنك تمامى دىنى مراسمك اجراسنه منوقف اولمادىغى] آيروجه ايضاحه لزوم كورمشد.

قانون مدنيك اول، نكاح دىنىك قوه تأييدلىرى واردى. بوكون ايسه نكاح دىنىك بر مؤيدهسى يوقدر. صرف وجدانلرده قالمش ومؤيدهدن محروم بولنش اولان اختيارى بر رابطه در. بونكه بارر محيطمى كى اكثر يتيله عنعنات دينيه مربوط اولان اهالىمى هم قانونك احكامنه مطاوعتكار اولهرق نكاح مدنى حسن تلقى ايتمكه وهمده ديكر طرفدن ثانوى رابطهلى دىنى نكاحلرده تأييد ايتكمكه درلر.

نكاح دىنىده اختيار وايضا ايدنلرك بر قسمى صرف دىانى فكر و نيت ايله حركت ايتكمكه و بونك همچون روحانى ذواته مراجعت ايتكمكه اولملىنه مقابل ديكر بر قسمى ده قادينك مادي حقوق و منافعى محافظه غايهسى استهداف و بوندن طولايى كاتب عدلاره مراجعت ايدنلر وفات و يا طلاق و قوعنده زوجك زوجهسنة مهر و برسمى مجبوريتى تحت تأمينه آلمنه غيرت ايتكمكه درلر.

كچنلرده ازير برنجى كاتب عدل دائره سنده بولنديغم صرهده بويله برواقعيه شاهد اولدم. و كاتب عدلك محق تردد ايلديكىنى كوردم كه، بوايىلرلك سائقى هر كون تصادف ايديلن بوكى حادثاته مرجع طائيسنك نظر دقتى جلب ايتمكدن عبارتدر. معلومدر كه، قانون مدنيك اول عقد ايديلن نكاحلرده مهر معجل و مؤجل مشروطدر.

زوج زوجهسنة بوجه پشين مهر ناميله نقد و يا اشيا و يرديكى كى وفاتى و يا خود طلاق حالندهده بر مقدار پاره و يرمى تعهد ايدردى. طلاق و يا وفاتدن صكره بواره زوجى و يا ورثهسى طرفدن زوجهسنة و يريلردى. قانون مدنيك اول عقد ايديلن نكاحلرده تسميه ايدلش اولان بوقيل مهرلى اعطايه مجبوريت واردى. تسميه مهر نكاحك شرط صحشدن دكل ايدى. فقط مهر نفى ايديلورسه نكاح صحيح اوله مازدى. تسميه مهر اولقسزىن عقد ايديلن نكاحلرده ايسه مهر مثل لازم كليردى. هر كون محكمهلى مهر دعوالرى اشغال ايدر طوروردى.

نكاح مدنيده - حالا - مهر تسميه سنة لزوم يوقدر. فقط مهر تسميه ايديلورسه وفات و يا خود طلاق و قوعنده بومهرلك تسويهسى لازم كليرمى. و بونكه چون كاتب عدلرده و يا خود خارجهده ياپيلان مقاوله لر معتبر ميدرد؟

از میر برنجی کاتب عدلی تکلیف ایدیلن بویولده بر مقاوله نامه یی تنظیم ایتمهش ویا لکز هبه شکنده مهر معجل مقاوله نامه سنی یاپه رق صاحب مراجعتک مهما ممکن مسئولی اسعاف ایتش ایدی .

کاتب عدل بکک بو بایده کی ترددندن صرف نظر ایله عجیبا قانون مدنیزه کوره مهر معجل و مهجل مقاوله نامه سی معتبر دکلیدر ؟

قانون مدنی و بورجرل قانونی هر مقاوله یی معتبر عد ایتمکده ، و آنحق قانونک احکام آمره سنه و انتظام عامه یه ، و اخلاقه مغایر اولان مقاولاتی معتبر عد ایله مکده در (بورجرل قانونی ۱۹ و ۲۰) . مهر مؤجل و معجل حقنده یاپیله جق عقود و تعهداتک انتظام عامه و اخلاقه مغایر اولمادینی موضوع بحث و مناقشه دکلدر . آنحق قانونک احکام آمره سنه مغایر و بناءً علیه باطل میدیر ؟

قانون مدنیده مهر عنوانی آلتنده وریله جک و وفات و یا خود طلاقه معلق بولنه جق اولان بر شرطک بطلانی حقنده بر فقره کوروله بور . کرچه قانون مدینک ۸۳ نجی ماده سننده [قانون ، امتناع ایدن نشانی یی اولمه یه اجبار ایچون دعوی حق ویرمز و اولتمکدن امتناع حالنده تضمینات ویرمه سی شرط قلمش ایسه بو شرط معتبر دکلدر] فقره لریله نشان مقاوله نامه سی تنظیمی حالنده قونیلان شرط جزائینک حکمسنز اولدیغنی بیان و افاده ایتمکده ایسه ده موضوع مسئله بودکلدر . بنابرین بوماده یی مهر مقاوله نامه سنک بطلاننه قدر تشمیل ایلمک طوغری اوله ماز .

بو خصوصده ارباب حقوقک در میان ایده جکری مطالعاتدن مع الممنونیه استفاده یه آماده اولقله برابر بو بایده کی مقاولاتی تدقیق و هربری ایچون آیری بر حکم اعطا ایلمک - شخصی فکر و اجتهادمه کوره - مناسبدر ظن ایدرم .

شویله که : مهر معجل حقنده یاپیلان مقاولات هر حالده معتبر اولق لازم کلیر . چونکه مهر معجل بره بدر . هبه حقنده کی احکامه توفیق ایدیور . یا خود بره به وعدی و یا خود بره به تعهدیدر . بوده تحریری اولق شرطیله معتبردر (بورجرل قانونی ماده ۲۳۸) . مهر مؤجل ایسه بر نوع تضمیناتدر . بوشانمه و آیرلق حاللرنده قانون مدینک ۱۴۳ نجی ماده سیله مواد تالیه سی احکامی نظر دفته آنه رق طلاقده و یا افتراقده

زوجه‌نك دخلى ويا قصبرى يوقسه بو مهر مؤجله تضمينات شكلنده كسب استحقاق ايلمى لازم كله جكدرد.

زوجك ويا خود زوجه‌نك وفاي حانده ايسه مهر مؤجل مقاوله ي صرف بر تعهد ماهيتده اولمق اعتباريله ينه واجب الايفا اولمى لازم كلير.

شو مشكلات قانون مدنك مرعيتندن صكره ياپيلان مهره دائر مقاوله‌لرده نحدث ايتكدرد. قانون مدنك نشردن اول ياپيلمى اولان اولمه‌لرك نتايجه ايسه تطبيقات قانوننك طقوزنجى ماده‌سى موجبجه اسكى اصوله تابع اولديغندن اولجه منعقد نكاحلر ايچون مشكلات حدوثى متصور دكلدر. هر حالده هر آن تصادف ايديلان شو حادثاتك بر مجراي سالمده جريانى ايچون صريح برماده ويا فقره وضع ايتك ضرورتى بولونديغه قائم.

ازمير آووقاقرلندن

ابراهيم ابراهيم

مطالع

عزيز دوستم ابراهيم بكك افكارينه اشتراك ايدمه‌يورم. اولان نكاح دينى برمعاى حقوق افاده ايتمز. صرف وجدانى تطمين ايتك اوزره اجراسنه نمانعت ايدلمه‌مشدر. نكاح دينى برمعاى حقوق افاده ايدمه ايدى سكوت حاليده دخى لوازمندن اولان مهر مثله حكم ايتك ايجاب ايدردى. بعدالنكاح ياپيلان مهر مقاوله‌لرينه كلنجه اساساً معتبر اولمازلر. زيرا اوليلكك دوامى مدتجه امواله دائر ياپيلان مقاولات محكمه‌جه تصديق ايدلمه‌ليدر (ق. م. ۱۷۳). قبلالنكاح دخى ياپيلان تعهد مقاوله‌نك قيمتى اوله‌جغه قانع دكل. طلاق وافتراق خصوصاتى، زوجينك آرزو و اراده‌لرى فوقنده، حاكمك قانون نامنه حائز اولديغى صلاحيت واسعه ايله حل ايديله‌يلوب عندالايجاب تضمينات لازمه و محقه دخى اوصلاحيه تقديره ايله تعيين ايديله‌جكندن زوجينك قبلالنكاح ويا بعدالنكاح بوقضيمتاي تعيين ايتلمرى قانون مدنى‌نك معناسنه وعائله مؤسسه‌سنىك يكي روحنه موافق دوشمز مطالعه‌سنده‌يم. ديكر مسلكدا اشرمرك مطالعه‌لرينده منتظرم. غ. ف